

ubuNtu*

Aya ngokwanda mazwi emphakathini muva-nje

- kakhulukazi kubacwaningi nakubahlaziyi kwezolwazi ngokubhobokelana nokwethekelelana nobudlelwano [*knowledge-systems concerning communication, exchange of perceptions and interconnectedness*] kanye nabakwezombusazwe (abezepolitiki) –

ababalisa ngokubaluleka kobuNtu –

okuyingqondo nenqubo –

ephakamisa

°ukuzithanda luqobo lwakho

°isimilo

°**ukwazisana nokubonelelana.**

Ingqondo nomoya wobuNtu

ngokwendabuko

kanti futhi kukhuthalelwe kakhulukazi eMzansi-Afrika²

°ekhaya, kwabomndeni, ezihlotsheni,

°kubangani, kontanga

°komakhelwano,

°emphakathini jikelele.

Ikakhulukazi ebunzimeni nasezinxushunxushwini, ezingxabanweni zombango nasezikathini zodweshu nezezimpi

aqhamuka ngokwandile amazwi akhumbuzana ngokubaluleka kobuNtu

kanye nagqugqumezela ngesidingo sokukhumbuzana nokukhuthazanelana ubuNtu.

„Umuntu ngumuNtu ngabaNtu“

„INkosi yiNkosi ngabaNtu“ ...

EMzansi-Afrika, eYurophu, eMelika nakwezinye izingxenye zomhlaba ayanda muva-nje amazwi abalisa ngokubaluleka kobuNtu kanye nagqugqumezela ngesidingo sokukhumbuzana nokukhuthazanelana ubuNtu.

°Kwenziwa yini lokho? [Asuswa yini phansi? Ahloseni? Ayecashephi sonke lesi sikhathi, njengoba eseqhamuka namuhla-nje?]

°**Kuhlosweni?** [kwabamaqembu ezepolitiki, kubacwaningi nakubahlaziyi kwezolwazi nasemphakathini jikelele?]

Sihlongoza ingxoxo okufanele kubhekiswane kuyo ngengqondo nangenqubo yokwazisana nokubonelelana eyaziwa ngokuthi „**ubuNtu**“, kucotshelwane ulwazi eshashalazini elibanzi, kucetshiswane ngamasu ubuNtu obungavuselelwa buchunyiswe ngawo emphakathini jikelele.

nguDkt uBheni wakwaKhumalo eBaQulusini

eKwaMachanca/eJalimane [Dr Ben Khumalo-Seegelken]

[osoBanjiswaneni lokuKhuthaza ukuKhulunywa nokuBhalwa kwesiZulu eMphakathini](#)

04.09.2010

***QAPHA:** Indlela eqondile yokulotshwa kwaleli bizo ithi „ubuNtu“; isiphongozo „ubu-„ nesiqu „-Ntu“ kuxhumana kwakhe ibizo elaziwa ngezindlela eziningi ezahlukene: ngesiSuthu „-Botho“; ngesiLathini „humanitas“; ngesiJalimane „[bedingungslose] Mitmenschlichkeit“; ngesiNgesi „[unconditional] humanness“.

²Emazweni aseAfrika angezansi kwenaba yomhlaba phakathi koLwandlekazi oluseMpumalanga [Indian Ocean] noLwandlekazi oluseNtshonalanga [Atlantic Ocean]: eAngola, eBotswana, eKhongo, eLesotho, eMalawi, eMozambikhi, eNamibia, eNingizimu-Afrika, eSwazini, eThanzaniya, eZambiya naseZimbabwe.